



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka („Službeni glasnik BiH“ broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2009. GODINU **HSS – NHI**

Broj: 03-07-6-109/10
Sarajevo, 23. februar 2011. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije	5
Cilj revizije	5
Obim revizije	5
4. PRETHODNE KONTROLE I REVIZIJE	5
5. NALAZI REVIZIJE I PREPORUKE	6
5.1 NALAZI	6
5.2. PREPORUKE	9

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) je izvršila reviziju finansijskog izvještaja **HSS - NHI** za 2009. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskom izvještaju, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom smo utvrdili da HSS - NHI u izvještajnom periodu nije postupila u skladu sa odredbama, člana 8. stav (1) i člana 11. stav (1) i stav (3) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je HSS - NHI u 2009. godini postupala u skladu sa Zakonom o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila reviziju godišnjeg finansijskog izvještaja HSS - NHI za 2009. godinu.

Revizija je preduzeta u skladu sa članom 14. stav (1) Zakona o finansiranju političkih stranaka i članom 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da se revizija obavlja na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja HSS - NHI je ostvarila prihode u iznosu od 322.191,60 KM¹, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk.prih. %
1	Članarina	360,00	0,11%
2	Prilozi fizičkih lica	2.727,00	0,85%
3	Prilozi pravnih lica	200,00	0,06%
4	Prihodi od imovine	3.235,00	1,00%
5	Prihodi od pr. lica	0,00	0,00%
6	Prihodi od poklona	4.608,00	1,43%
7	Prihodi iz budžeta	310.738,60	96,45%
8	Ostali prihodi	323,00	0,10%
	Ukupni prihodi:	322.191,60	100,00%

U godišnjem finansijskom izvještaju HSS - NHI je iskazala ukupne rashode u iznosu od 278.235,49 KM².

2. PREDSTAVLJANJE POLITIČKE STRANKE

Naziv političke stranke: HSS - NHI. Skraćeni naziv stranke HSS - NHI.

Tokom 2008. godine došlo je do ujedinjenja političkih stranaka Hrvatske seljačke stranke BiH i Nove Hrvatske inicijative. HSS BiH - NHI je upisana u Registar političkih organizacija kod Općinskog suda u Sarajevu dana 05.03.2008. godine, pod registarskim brojem: 065-0-Reg-07-003919. Rješenjem Općinskog suda u Sarajevu broj: 065-0-Reg-08-001502 od 16.05.2008. godine naziv političke stranke je izmijenjen, i glasi: HSS – NHI.

Sjedište političke stranke je u Sarajevu, ulica Maršala Tita br. 9a.

¹ U godišnjem finansijskom izvještaju koji je stranka dostavila 31.03.2010. godine ukupni prihodi stranke iskazani su u iznosu od 326.965,03 KM. Dana 15.11.2010. godine stranka je dostavila inoviran obrazac 3 - *Ukupni prihodi stranke* na kome je iskazan ukupan prihod u manjem iznosu u odnosu na prvobitno prikazan za 1.138,98 KM. Razlog za navedenu ispravku stranka je navela u svom dopisu br: 01-335/10 od 15.11.2010. godine, u kome tvrdi da je u pitanju formalna greška nastala prilikom popunjavanja obrasca. Nakon dostavljenog Preliminarnog izvještaja o reviziji godišnjeg finansijskog izvještaja za 2009. godinu od strane Službe za reviziju finansiranja političkih stranaka, stranka je izvršila korekcije obrazaca te je došlo do promjene u iskazanim ukupnim prihodima izvještajnog perioda.

² U godišnjem finansijskom izvještaju koji je stranka dostavila 31.03.2010. godine ukupni rashodi stranke iskazani su u iznosu od 271.455,31 KM. Dana 15.11.2010. godine stranka je dostavila inoviran obrazac 4 - *Rashodi političke stranke* na kome je iskazan ukupan rashod u većem iznosu u odnosu na prvobitno prikazan za 1.800,00 KM. Nakon dostavljenog Preliminarnog izvještaja o reviziji godišnjeg finansijskog izvještaja za 2009. godinu od strane Službe za reviziju finansiranja političkih stranaka, stranka je izvršila korekcije obrazaca te je došlo do promjene u iskazanim ukupnim rashodima izvještajnog perioda.

Lica ovlaštena za zastupanje stranke u 2009. godini su Ljiljana Lovrić, predsjednica stranke, Drago Džambas, dopredsjednik stranke, Ante Malić dopredsjednik stranke, Tomislav Tomljanović, dopredsjednik stranke i Ivica Ageljić, dopredsjednik stranke.

Lice ovlašteno za podnošenje finansijskih izvještaja za 2009. godinu je Branimira Almaš.

Prema podacima iz godišnjeg finansijskog izvještaja za 2009. godinu, organizacionu strukturu HSS - NHI čine:

- Središnjica HSS - NHI Sarajevo,
- Organizacija HSS – NHI Brčko distrikt,
- 8 kantonalnih odbora HSS - NHI,
- 3 regionalna odbora HSS - NHI i
- 27 opštinskih odbora HSS - NHI.

3. OPIS REVIZIJE

Predmet revizije je godišnji finansijski izvještaj HSS - NHI za 2009. godinu, i to sljedećih organizacionih djelova:

1. Središnjica HSS – NHI Sarajevo,
2. Kantonalni odbor HSS – NHI Zapadno – Hercegovački kanton,
3. Općinski odbor HSS – NHI Fojnica i
4. Organizacija HSS – NHI Brčko distrikt.

Cilj revizije je da se prikupi dovoljno relevantnih dokaza kako bi se moglo izraziti mišljenje o tome da li je HSS - NHI u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskog izvještaja HSS - NHI obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica, prihode od imovine i prihode iz budžeta.

4. PRETHODNE KONTROLE I REVIZIJE

Revizija godišnjeg finansijskog izvještaja HSS - NHI se obavlja prvi put.

U prethodnom periodu izvršen je pregled godišnjeg finansijskog izvještaja HSS – NHI za 2008. godinu nakon čega je izdat izvještaj o pregledu finansijskih izvještaja političke stranke sa mišljenjem i preporukama revizije da stranka treba postupati u skladu sa odredbama člana 8. stav (1) i člana 11. stav (1) i stav (3) Zakona o finansiranju političkih stranaka.

Tokom 2008. godine došlo je do ujedinjenja političkih stranaka Hrvatske seljačke stranke BiH i Nove Hrvatske inicijative. Služba za reviziju je zaključno sa finansijskim izvještajima za 2007. godinu obavila pregled i reviziju pojedinačnih finansijskih izvještaja ovih političkih stranaka.

Služba za reviziju je izvršila pregled finansijskih izvještaja Hrvatske seljačke stranke BiH i Nove Hrvatske inicijative za 2005. i 2006. godinu, nakon čega su izdati izvještaji o pregledu i reviziji sa mišljenjem revizora, nalazima i preporukama.

Služba za reviziju je obavila reviziju godišnjih finansijskih izvještaja Hrvatske seljačke stranke BiH i Nove Hrvatske inicijative za 2007. godinu. Revizijom je utvrđeno da je Hrvatska seljačka stranka BiH u izvještajnom periodu prekršila odredbe člana 3. stav (1), člana 4. stav (2), člana 8. stav (1) i člana

11. stav (3) Zakona o finansiranju političkih stranaka, a da je Nova Hrvatska inicijativa prekršila odredbe člana 11. stav (1) i stav (3) Zakona o finansiranju političkih stranaka.

Nerealizovane preporuke

Na osnovu uočenih nedostataka u godišnjem finansijskom izvještaju HSS - NHI za 2009. godinu, utvrđeno je da HSS - NHI nije ispoštovala preporuke koje su date u izvještaju o pregledu godišnjeg finansijskog izvještaja HSS - NHI za 2008. godinu, jer i dalje postupa suprotno odredbama člana 8. stav (1) i člana 11. stav (1) i stav (3) Zakona o finansiranju političkih stranaka.

5. NALAZI REVIZIJE I PREPORUKE

5.1 NALAZI

a) HSS - NHI je prekršila odredbe člana 8. stav (1) Zakona o finansiranju političkih stranaka.³

Općinski odbor HSS – NHI Ilijaš je na osnovu ugovora o davanju na korištenje poslovnih prostorija broj: 05/23-2143/03 od 02.06.2003. godine, koristio bez naknade poslovni prostor površine 19,50 m² u vlasništvu Općine Ilijaš. Prema odluci o načinu i visini plaćanja zakupnine poslovnih prostora na području Općine Ilijaš broj: 01-I-02-189/00 od 17.02.2000. godine („Službene novine Kantona Sarajevo“, broj 2/00), najniži iznos zakupnine u I zoni Općine Ilijaš iznosi 12,00 KM po m². Na bazi navedene odluke, utvrđeno je da je HSS - NHI usljed neplaćanja zakupnine ostvarila zabranjen prilog od Općine Ilijaš u iznosu od 2.808,00 KM.

b) HSS - NHI je prekršila odredbe člana 11. stav (1) i stav (3) Zakona o finansiranju političkih stranaka.⁴

Na osnovu obavljene revizije utvrđeno je da HSS - NHI nije vodila adekvatne evidencije o svojim prihodima i rashodima, čime su prekršene odredbe člana 11. stav (1) Zakona o finansiranju političkih stranaka.

- (1) Revizijom je utvrđeno da HSS - NHI nije uspostavila adekvatne evidencije o svim prihodima iz budžeta koje je stranka primila u 2009. godini, jer u svojim poslovnim knjigama nije evidentirala za dva organizaciona dijela prihode iz budžeta općina u ukupnom iznosu od 1.905,00 KM, čime je prekršila odredbe člana 11. stav (1) Zakona o finansiranju političkih stranaka.
- Na osnovu podataka, koje je na zahtjev Centralne izborne komisije BiH, dostavila Općina Vareš, akt broj: 01/10 od 23.02.2010. godine, utvrđeno je da stranka za svoj organizacioni dio u Varešu, u svojim poslovnim knjigama koje je dostavila Centralnoj izbornoj komisiji BiH, nije evidentirala prihod iz budžeta Općine Vareš u iznosu od 905,00 KM, čime su i ukupni prihodi stranke evidentirani u manjem iznosu.
- Kontrolom izvoda transakcionog računa RO HSS – NHI Banja Luka broj: 1549212000847610, utvrđeno je da stranka u svojim poslovnim knjigama koje je dostavila Centralnoj izbornoj komisiji BiH, nije evidentirala prihod iz budžeta Narodne Skupštine RS u iznosu od 1.000,00 KM, čime su i ukupni prihodi stranke evidentirani u manjem iznosu.

³ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

⁴ U skladu sa članom 11. stav (1) Zakona o finansiranju političkih stranaka političke stranke su obavezne voditi evidenciju o svojim prihodima i rashodima. U skladu sa članom 11. stav (3) Zakona politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH, a čiji su sadržaj i forma propisani Pravilnikom o godišnjim finansijskim izvještajima političkih stranaka.

- (2) Kontrolom izvoda transakcionog računa Središnjice HSS – NHI Sarajevo broj: 1549212000733150 otvorenog kod Intesa Sanpaolo banke dd, kao i poslovnih knjiga stranke, utvrđeno je da stranka nije uspostavila adekvatnu evidenciju svih svojih prihoda, te da je prenosom sredstava nižim organizacionim dijelovima stranke i njihovim pogrešnim evidentiranjem u svojim poslovnim knjigama evidentirala prihode iz budžeta u svojim poslovnim knjigama za 3 organizaciona dijela stranke u većem iznosu, a za 3 organizaciona dijela stranke u manjem iznosu od ostvarenih prihoda. Revizijom poslovnih knjiga utvrđeno je da stranka evidentira prihode iz budžeta koje je primila u 2010. godini kao prihod tekućeg perioda.
- Za svoj organizacioni dio u Travniku, stranka je u svojim poslovnim knjigama evidentirala prihod iz budžeta Općine Travnik u većem iznosu za 5.728,51 KM u odnosu na stvarni priliv novčanih sredstava na transakcioni račun stranke⁵.
 - HSS – NHI je u svojim poslovnim knjigama evidentirala prihod iz budžeta Općine Neum za svoj organizacioni dio Središnjicu HSS – NHI u iznosu od 1.064,00 KM. Kontrolom izvoda Središnjice stranke, te na osnovu akta Općine Neum broj: 02-16-225/10 od 26.02.2010. godine⁶, utvrđeno je da stranka nije primila navedeni iznos novčanih sredstava po tom osnovu, čime je i ukupan prihod stranke evidentiran u većem iznosu za 1.064,00 KM.
 - Kontrolom izvoda Središnjice HSS – NHI utvrđeno je da je stranka u svojim poslovnim knjigama prihod iz budžeta Općine Livno evidentirala u većem iznosu u odnosu na stvarni priliv novčanih sredstava za 330,00 KM⁷.
 - Kontrolom izvoda navedenog transakcionog računa Središnjice HSS – NHI, za period od 01.01. - 31.12.2009. godine, utvrđeno je da je stranka prihod iz budžeta Srednjo-Bosanskog Kantona evidentirala u svojim poslovnim knjigama u manjem iznosu za 5.714,23 KM u odnosu na stvarni priliv novčanih sredstava na transakcioni račun stranke⁸.
 - Kontrolom izvoda Središnjice HSS – NHI i izvoda transakcionog računa OO Novi Travnik broj: 3386702218685781 otvorenog kod Unicredit banke dd, utvrđeno je da je stranka u svojim poslovnim knjigama prihod iz budžeta Općine Novi Travnik evidentirala u manjem iznosu za 1.200,00 KM⁹.
 - Kontrolom izvoda Središnjice HSS – NHI i izvoda transakcionog računa broj: 1610800003090003 otvorenog kod Raiffeisen banke dd filijala Orašje, utvrđeno je da je stranka u svojim poslovnim knjigama prihod iz budžeta Općine Odžak evidentirala u manjem iznosu za 360,00 KM¹⁰.

Navedeni nalazi nedvosmisleno ukazuju na to da je HSS – NHI prekršila odredbe člana 11. stav (1) Zakona o finansiranju političkih stranaka, jer nije uspostavila adekvatnu evidenciju o svim svojim prihodima. Uzimajući u obzir sve navedene razlike u iskazivanju prihoda iz budžeta svih nivoa vlasti utvrđeno je da je stranka u svojim poslovnim knjigama evidentirala prihode iz budžeta u manjem iznosu za 2.056,72 KM za koliko su i ukupni prihodi stranke neosnovano umanjeni.

- (3) Revizijom godišnjeg finansijskog izvještaja, te na osnovu dodatne dokumentacije koju je stranka dostavila Centralnoj izbornoj komisiji BiH utvrđeno je da je stranka za svoj

⁵ Stranka je u ispravljenom godišnjem finansijskom izvještaju koji je dostavila nakon primljenog Preliminarnog izvještaja o reviziji iskazala prihod iz budžeta Općine Travnik u iznosu 7.200,00 KM. U svojim poslovnim knjigama po ovom osnovu stranka je evidentirala prihod u ukupnom iznosu 12.928,51 KM.

⁶ U aktu Općine Neum se navodi da je za 2009. godinu odobreno u budžetu ukupno 882,50 KM, ali da u 2009. godini nije bilo isplate sredstava.

⁷ Stranka je u ispravljenom godišnjem finansijskom izvještaju koji je dostavila nakon primljenog Preliminarnog izvještaja o reviziji iskazala prihod iz budžeta Općine Livno u iznosu 1.400,00 KM. U svojim poslovnim knjigama po ovom osnovu stranka je evidentirala prihod u ukupnom iznosu 1.730,00 KM.

⁸ Stranka je u ispravljenom godišnjem finansijskom izvještaju koji je dostavila nakon primljenog Preliminarnog izvještaja o reviziji iskazala prihod iz budžeta SBK u iznosu 78.136,50 KM. U svojim poslovnim knjigama po ovom osnovu stranka je evidentirala prihod u ukupnom iznosu 72.422,27 KM.

⁹ Stranka je u ispravljenom godišnjem finansijskom izvještaju koji je dostavila nakon primljenog Preliminarnog izvještaja o reviziji iskazala prihod iz budžeta Općine Novi Travnik u iznosu 6.180,00 KM. U svojim poslovnim knjigama po ovom osnovu stranka je evidentirala prihod u ukupnom iznosu 4.980,00 KM.

¹⁰ Stranka je u ispravljenom godišnjem finansijskom izvještaju koji je dostavila nakon primljenog Preliminarnog izvještaja o reviziji iskazala prihod iz budžeta Općine Odžak u iznosu 600,00 KM. U svojim poslovnim knjigama po ovom osnovu stranka je evidentirala prihod u ukupnom iznosu 240,00 KM.

organizacioni dio u Fojnici, iskazala u godišnjem finansijskom izvještaju prihod iz budžeta SBK u većem iznosu za 923,00 KM, čime je stranka prekršila odredbe člana 11. stav (3) Zakona o finansiranju političkih stranaka, jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.

Na osnovu navedenog nalaza, utvrđeno je da je stranka prekršila odredbe člana 13. i člana 19. Pravilnika o godišnjim finansijskim izvještajima političkih stranaka, jer je ukupne prihode stranke po osnovu prihoda iz budžeta iskazala u većem iznosu za 923,00 KM. U skladu sa navedenim članovima Pravilnika stranka je bila obavezna u godišnjem finansijskom izvještaju evidentirati sva sredstva, iz budžeta svih nivoa vlasti, koja je stranka primila u izvještajnom periodu.

- (4) Revizijom je utvrđeno da HSS – NHI u svom knjigovodstvu nema uspostavljene potpune evidencije o svim troškovima koji su nastali u 2009. godini. Stranka u svojim poslovnim knjigama, nije evidentirala sve troškove zakupnine poslovnih prostora u iznosima koji su utvrđeni prema ugovorima o zakupu koje je stranka potpisala sa svojim zakupodavcima, niti obaveze po tom osnovu.
- Kontrolom dodatne dokumentacije stranke, utvrđeno je da HSS - NHI nije evidentirala troškove zakupa po osnovu ugovora o zakupu poslovnog prostora broj: 01-05-910/08 zaključenog 30.12.2008. godine, sa zakupodavcem JU Centar za socijalni rad Novi Travnik, za organizacioni dio stranke u Novom Travniku u 2009. godini u iznosu od 2.400,00 KM. Za navedeni iznos stranka je i ukupne rashode po ovom ugovoru u svojim poslovnim knjigama evidentirala u manjem iznosu.
 - Za organizacioni dio stranke u Doboju, stranka je po osnovu ugovora o zakupu poslovnog prostora broj: 02-139/04 od 14.07.2004. godine, zaključenog sa zakupodavcem Privredna Komora Regije Doboje, bila obavezna u 2009. godini iskazati troškove zakupnine u iznosu od 2.106,00 KM. Stranka je u svojim poslovnim knjigama navedene troškove evidentirala u manjem iznosu za 1.579,50 KM, čime je i ukupne rashode stranke po tom osnovu umanjila za navedeni iznos.
 - Za organizacioni dio stranke u Brčko distriktu, stranka je po osnovu ugovora o zakupu poslovnog prostora broj: 388/06 od 12.05.2006. godine, zaključenog sa zakupodavcem Auto Mertz doo, bila obavezna u 2009. godini evidentirati troškove zakupnine u iznosu od 5.054,40 KM. Stranka je u svojim poslovnim knjigama navedene troškove evidentirala u manjem iznosu za 2.527,20 KM, čime je i ukupne rashode stranke po tom osnovu umanjila za navedeni iznos.

Na osnovu navedenih nalaza utvrđeno je da je stranka prekršila odredbe člana 11. stav (1) Zakona o finansiranju političkih stranaka, jer nije uspostavila adekvatne evidencije o svim svojim rashodima. Neiskazujući troškove zakupnine za pojedine organizacione dijelove ili iskazujući ih u manjem iznosu od stvarnih, HSS – NHI je i ukupne rashode evidentirala u manjem iznosu za 6.506,70 KM.

- (5) Revizijom je utvrđeno da je stranka HSS - NHI nije vodila adekvatnu evidenciju o svojim obavezama, te je u svojim poslovnim knjigama evidentirala obaveze u manjem iznosu od ostvarenih za 210,75 KM, čime je prekršila odredbe člana 11. stav (1) Zakona o finansiranju političkih stranaka.
- Uvidom u potvrdu dobavljača, koju je na zahtjev Centralne izborne komisije BiH, dostavio „Auto-Mertz“ d.o.o. Brčko akt broj: 435/10 od 15.11.2010. godine, te na osnovu analitičke kartice dobavljača, utvrđeno je da je stranka obaveze za svoj organizacioni dio u Brčkom evidentirala u manjem iznosu za 155,37 KM.
 - Uvidom u potvrdu dobavljača, koju je na zahtjev Centralne izborne komisije BiH, dostavila „JU Centar za socijalni rad“ Novi Travnik akt broj: 06-14-655/10 od 03.11.2010. godine, te na osnovu analitičke kartice dobavljača, utvrđeno je da stranka nije evidentirala obaveze za svoj organizacioni dio u Novom Travniku u iznosu od 55,38 KM.

5.2. PREPORUKE

Preporučuje se HSS - NHI da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 8. stav (1) i člana 11. stav (1) i stav (3) Zakona o finansiranju političkih stranaka i to:*
 - *da ne prima priloge koji su zabranjeni ovim zakonom,*
 - *da vodi evidencije o svojim приходima, rashodima i obavezama, te*
 - *da finansijske izvještaje koje podnosi Centralnoj izbornoj komisiji BiH sačinjava u formi propisanoj Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku, HSS - NHI se aktom broj 01-09/11 od 11.02.2011. godine očitovala na nalaze revizije i mišljenje revizora dato u Preliminarnom izvještaju o reviziji godišnjeg finansijskog izvještaja za 2009. godinu, koji je dostavljen stranci 26.01.2011. godine. Uz očitovanje stranka je dostavila slijedeće obrasce: Obrazac 1 (*Opći podaci o političkoj stranci*), Obrazac 1.-1. (*Opći podaci o političkoj stranci - teritorijalna organizacija političke stranke*), Obrazac 2 (*Pregled prometa svih transakcijskih računa političke stranke*), Obrazac 2.-1. (*Pregled stanja blagajne*), Obrazac 3 (*Ukupni prihodi političke stranke*), Prilog uz Obrazac 3, Obrazac 3-a (*Prilozi fizičkih lica veći od 100 KM*), Obrazac 3-b (*Prilozi pravnih osoba veći od 100KM*), Obrazac 3-c (*Prihodi političke stranke od imovine*), Obrazac 3-e (*Nenovčane donacije i računi koje političke stranke nisu imale obavezu platiti*), Obrazac 3-f (*Prihodi iz budžeta*), Obrazac 4 (*Rashodi političke stranke*), Prilog uz Obrazac 4, Obrazac 4-1 (*Režijsko-administrativni i ostali troškovi*) za svoja četiri organizaciona dijela i Obrazac 5 (*Zajmovi, krediti i dugovi*) u kojima je u skladu sa odredbama člana 13. stav (3) Zakona o finansiranju političkih stranaka dobrovoljno otklonila nedostatke, po osnovu kojih je u Preliminarnom izvještaju o pregledu stranci bilo stavljeno na teret kršenje odredbi člana 11. stav (3) Zakona o finansiranju političkih stranaka.

Služba za reviziju je razmotrila ispravljene obrasce koje je dostavila HSS - NHI i uvažila argumentovane ispravke, te iste ugradila u Izvještaj o reviziji godišnjeg finansijskog izvještaja za 2009. godinu.

Koristimo priliku da se zahvalimo osoblju stranke HSS - NHI u Sarajevu na korektnom i profesionalnom odnosu i visokom stepenu saradnje tokom obavljanja revizije u prostorijama stranke.

Mr. Hasida Gušić, šef Službe za reviziju

Nevenko Andan, revizor

Amela Batuša, pomoćnik revizora